

èxtra

ARUBA


CENTRO BETICO CROES PA FORMACION DI POLITICONAN HOBEN

ORANJESTAD (EPI-AM) — Bao hopi atencion e Centro Betico Croes a wordo inaugura Diahuebs atardi na Santa Cruz. E centro aki lo duna formacion na politiconan hoben y tambe lo ta un centro di informacion politico tanto local como internacional.

Na ocasion di e inauguracion di e Centro Betico Croes, Ir. Richard Eman a duna un splicacion breve di e meta di e centro y tambe e Fundacion Ir. Cesare

Terzano. Entre otro el a splica cu e Centro Betico Croes y e fundacion lo ta un instituto pa formacion di politiconan hoben, un centro di informacion politico, tanto local como internacional y tambe lo promove e politica socialdemocrata den e region caribense.

E fundacion cu a promove e construccion di e centro a wordo yama na nomber di Ir. Cesare Terzano q.e.p.d., siendo e persona cu semper a boga pa un centro di for-



Inuaguracion e Centro Betico Croes a desvela tambe un pintura di e lider arubiano. Esaki a wordo haci pa Prome Ministro Oduber y Jose Francisco Peña Gomez, presidente di Siclac.

macion pa politiconan hoben, ir. Eman a bisa.

Entre e invitadonan presente por a nota un cantidad considerable — casi tur — e representantenan di e partidonan politico latinoamericano y di Caribe cu a asisti na e Conferencia di Siclac, entre nan Ruben Beríos, di Puerto Rico.

Den su intervencion Ruben Beríos a bisa cu siendo amigo di Betico Croes e mester ta tambe un bon amigo di e pueblo arubano. “Cada dia mi sintima mas orguyoso di tabata su

amigo”, Beríos a bisa. Tambe el a bisa cu e ta sinti su mes mas orguyoso di tin e puebli di Aruba como ruman. Mester bisa cu Ruben Beríos ta un di e luchadornan pa independencia di Puerto Rico.

“No tin lidernan grandi sin pueblonan grandi”, Beríos a bisa. “E lidernan ta manera e piconan di un cordiyera, sin cordiyera no tin pico. Y e compañero Betico Croes ta un refleho fiel di un pueblo cu ta ehemplar”.

Beríos den su discurso a bisa cu e pueblo di Aruba ta dunando un ehemplo na

mundo cu no mester ta un gigante pa un pueblo tin dignidad, berguensa, valor propio, amor pa patria y Betico tabata representa esey riba tur cos.

E apertura oficial a wordo efectua pa Prome Ministro Nelson Oduber, ken a gradici tur e instancia y personana cu a traha pa realiza e Centro Betico Croes. Especialmente el a menciona e Fundacion Ir. Cesare Terzano cu a encarga su mes cu e proyecto aki y lo sigui desaroya e centro di formacion y informacion.